

1 Petero

Yaižézé ac.

1 ¹Yesu Kristoac Méliméli ic ni Peteronéj Ponto, Galatia, Kapadokia, Asia komoc, zéma Bitinia baec séc Anutuac hénaríj kíanj éséc nec héndemma kekera ²Anutu mangoc ninanéj ménda hicjic nec bec niženémima Uja téréyanéj météré énécmiyu niñtoho wañgic, Yesu Kristoac sawanéj naec énécmima^a gési énécmima énépésiyec onac mia kiwi yomi oénécmizua. Ewa hiaya zéma luaeyanéj onac muru sécgéma hema kecmac.

³Mepésimini, neñaj miñ kewunina Yesu Kristoac mangocya Anutunéj wésé niníj kuneñ nec sécgémiyu Yesu Kristo i humuc ic sugina iguc nec meqeli mima héná imuac nec neñaj kekec qelia mihicji nénécmiyu niñkinzénj qeli qeli he nénécmiyu kecanzíj. ⁴Imuhuc wamma onac niñ wamma kurumeñiguc iwawai haihaiya hezac, ménda houhouya, ménda zapi qeqeya, ménda qahac wawaña, imi mératéc memu. ⁵Ini imi nalé tetecgiaiguc añgénj titi haka mewininimañ zé niñu heyec imi késawíj zé niñzéngegic Anutuac kuhanéj inicgaleñ wañ énécmiyec. ⁶Imuac qeriginaiguc ini ségiségi wamma kecanzu. Wañu hicji énécmimacac hezaciguc deguc manam batuc yéwéria hénia hénia niñac wamma nalé hotoñadac niñyéwérimu. ⁷Imi mia niñzénj niñzénjina imi goli gericnéj batucgéyu qahac wammacac hezac imuac séha ogicma hiabia wañu Yesu Kristoac hahayawac naléiguc mepé qepésigina zéma edamugina zéma eebipiginaguc wammu niñac réwéri imuhucya hicji énécmikeczac. ⁸Yesu imi ini kicginanéj ménda héñgic, néñ kileñ siñniñ wammianzu. Deguc acguc ménda héñzu, néñ kileñ niñzénjgéma ségiségi ménj edamuyaguc hénia zéasariwiñac séc qahac imuhucya nimma kecanzu. ⁹Imi mia niñzénj niñzénjinawac héla, qeri uñaginawac añgénj titi imi énécmiyu memuac hezac imuac niñ imuhuc imuhuc ségiségi wamma kecanzu.

¹⁰Añgénj titi imuac mia kua meme ic tosara ieneñ ewa hiaya onac muru mama hamacac heyec imuac héiqelima seliseli wamma hochoc ai megic.

^a 1:2 Sawanéj naec énécmima; Mmh 24:3-8, Heb 9:18-21.

¹¹ Megic ionac ewa qeriginaiguc Kristoac uŋanénj Kristo eŋeyaoc imi qenzen manzej qema kecma imuac andiaiguc kiwi edamuyaguc wammac zéma walac énézýec. Énézýu ienenj ic mérénénj Kristo wanzac me némac naléiguc hicŋimac zéma hochoc ai megic. ¹² Ic ienenj imi eŋaŋ ménda welenj qeamugic, néj onac welenj qeénécmigic imuac zéau énécmiyu niŋasarigic. Waŋu imi mia Uŋa Téréya kurumenj igucnec mayec inénj buŋa suruc hiabiawac welenj qeŋe ic nanŋgé énécmiyu degucmi buŋa suruc hiabia onac énézégic nindacgic. Waŋu kua meme uŋa enenj acguc hénia imi héŋtegicbiŋj zé wanzu.

¹³ Imuac ini ewa qeriginawac rikunja zikima zérénj qéréj wamma séwiac siŋgina helanŋi amuma kecmu. Waŋu Yesu Kristo hicŋitegicmac nalé imuaru inénj ewa hiawac waŋ énécmimac. Imuac niŋ ini imuac mia moczoŋ niŋkinzénŋéma kecmu. ¹⁴ Kua tohotoho nambérac ésécnec kecmu, néj becnecc ménda niŋtegicma kecŋic imuaru siŋ biria méndacma kecŋic haka tanera imuac ménda tohoma kecmu. ¹⁵ Téréya miŋina unuruyec iwac séciguc namma ini acguc wawaŋ memegina séc, ic téréya kecmu. ¹⁶ Ac yomuhuc mia ooyawac heyu imuhuc zézu; Ni téréya keczu imuac niŋ ini acguc téréya kecmu. ¹⁷ Ini Maŋgoc zémima qac héhélianŋu inénj niŋgési énécmimanŋj zé icya icya séwi tanecgina ménda hémma ai memegina hémma niŋénécmianzac. Imuac baeciguc ic kianj kecma eeya séha héimima kecmu. ¹⁸ Ini niŋzu ésécnec esaŋambéc héccgina ionac hénia tima haka eŋomia waŋaŋgic imuacnec aŋgéj tiénécmiyec imi siliwa me goli ésécnec iwawai kecma qahac waŋanzac imuhucyanénj boŋ héré ménda meénécmiyec. ¹⁹ Rama wizi kukuya qahac kitic Képésira qahac ésécnec kekera Kristo iwac sacya eeyagucnéj boŋ héré meénécmiyec. ²⁰ I imi baec kurumenj ménda zéyu hicŋiyecnec gésimimiawac kerec. Waŋu nalé tetegia yomuac onac niŋ wamma mewininimiyu hicŋiyec. ²¹ Ini imi humuc ic sugina igucnec Kristo i meqelimima kiwi edamu asahanénj héimiyec Anutu iwac mia wamma Kristonénj énépésiyu niŋzénŋéanŋu. Imuac onac niŋzénj niŋzénj zéma niŋkinzénj imi Anutuac muru hezac.

²² Ini ac héla imi niŋtoho kecma^b onac qeri uŋagina imi météréma niŋzénj niŋzénj dacmuna héccgina hélacnec goi héihéi waŋ énécmianŋu, imuac ewa qerigina lalacnec zéma qerigina dumuŋanénj siŋniŋ waŋamuma kecmu. ²³ Ini muŋguc qelima hicŋigic imi gocmia kecma houanzac imuhucyaiguc qahac, néj gocmia ménda houhouya igucnec hicŋigic. Imi mia Anutuac ackuazéc kekecyaguc tetegia qahac kecanzac imi mia. ²⁴ Hénia imi yomuhuc; Ic séwigina momac yanda imi zariŋ ura ésécnec. Waŋu kiwi edamugina imi zariŋ zuria ésécnec. Zariŋ ura imi kaiwenénj zeyu séléccéanŋzac. Waŋu zariŋ zuria imi bura tima maanzac. ²⁵ Néj Miŋ Kewuninawac ackuazéc imi tetegia qahac heanzac zýec. Waŋu ackuazéc imi buŋa suruc hiabia zéau énécmi niŋgic imi mia.

^b 1:22 Ac héla imi niŋtoho kecma; Kiwi méranénj ooya tosaraiguc Uŋawac kuhanénj.

**Baŋa kekecyaguc Yesu zéma
iwac aŋgėj tiénécmimia.**

2 ¹Imuac bec, kaiziliwenj haka hénia hénia zéma ala batuc haka hénia hénia zéma ikoc zéma nimbupuc zéma zébiriqébiri hénia hénia imi moczoŋ gilidacgic keŋu. ²⁻³Miŋ Kewuac goi héihéiya imuac siŋa ninzuciguc, merac sacsac éséc nec qeriginanéŋ namu téréya niŋac wammu, imuhuc wamma yandima aŋgėj titiiguc keremmu. ⁴Waŋu ini imi baec icnéŋ qéfaccgégic, néŋ Anutunéŋ niŋu eeyaguc waŋu eŋeya buŋa gésimiyec baŋa kekecyaguc Yesu Kristo iwac muru hamu. ⁵Hagic hofac oo ic areŋhéra téréya wamma mulu manaj hofac hiabia Anutunéŋ siŋa nimma aŋgėj timacac sécyá omimu niŋac, Yesu Kristonéŋ hoc kekecyaguc éséc nec meyac énécmiyu toroqe amuma amaya téréya wamma keczu. ⁶Kiwi téréyaiguc ac méŋ yomuhuc ooyawac hezac; Héŋgic, ni Zion ama imuaru baŋa méŋ waŋgoŋaiguc séraŋ éséc buŋa qemima haizua. Waŋu ic méréneŋ ninzégégé mimac imi gamusiŋ qamusiniŋguc ménda opocopora wammac zéyec. ⁷Imuac niŋac ninzégégézu onac muru imi eeyaguc wanzac, néŋ ménda ninzégégézu ionac muru imi hoc méŋ mericqe ic eneŋ héŋara mema giligic keŋkeŋa iminéŋ ama waŋgoŋaiguc hiŋgacma ama imuac oruha wamma taru ⁸tosara hoc imuaru qonzoŋ toŋgéanzu. Waŋu zamanziŋ hoc imuaru mama unuanzac zéyec. Imi mia ackuazéc ménda tohoanzu imuac niŋac mama unuanzac. Waŋu ic imuhucya imi imuhuc wammu niŋac hezac.

⁹Waŋu ini imi siŋi tunumaŋ yanda iguc nec héihéré énécmima edamuya hiabia soroc imuac qeriaiguc onoporec iwac hénia hiabia zéau énécmimu niŋac hénaroiŋ héra buŋa qeénécmimia zéma hofac oo ic, ic kewuac séc eŋeŋa zéma iwac héŋgaleŋ ama areŋa yanda téréya zéma ic embac eŋeya buŋa qeénécmimia wamma keczu. ¹⁰Ini imi bec nec ic embachéra ménda kecgcic, néŋ deguc imi Anutuac ic embachéra wamma keczu. Waŋu bec nec imi wésé niniŋ ménda waŋ énécmiyu kecgcic, néŋ deguc imi wéséniniŋ waŋ énécmiyu keczu.

Anutuac welenjqe ic kecmu.

¹¹Ala sorochécna, meseli énécmima zézua, onac imi baeciguc ic kian zéma ic qaŋ éséc nec nimma qeri uŋaginawac hazéc wammima yaréya qeanzac séwigina imuac siŋ imi sigima kecmu. ¹²Ic enia ionac suc ginaiguc wawaŋ memegina hiabianec wamma kecmu. Biria meme zéma zébiriqébiri waŋ énécmianzu ieneŋ onac ai meme hiabia imi hémma Anutuac hahayawac naléiguc^c qac buŋaya mepésimu.

¹³Miŋ Kewuac niŋac wamma hénia ac hénia hénia icnéŋ zéseligic imi moczoŋ tohodacmu. baecac ic kewu eŋeŋa me ¹⁴inéŋ méli énécmiyu

^c 2:12 Anutuac hahayawac nalé; Luk 19:44, Mmh 3:16, Mmh 32:34, Leg 58:6.

hama haka biria wan̄zu taségina melen̄ énécmima, haka hiabia wan̄zu bakia hiabia melen̄ énécmian̄zu baec galeñ imi onac imuhucyanec wan̄ énécmimu. ¹⁵Hénia imi yomuhuc; Wawan̄ memegina hiabia iminén̄ ic diwi qiwiliñ̄a ionac acgina sic saocya imi méwécgému iminén̄ mia Anutuac ewa siñ̄ wan̄zac. ¹⁶Eñaoc eñ̄añ̄ kekec miñ̄ina kecmu, nén̄ imuac kuhanén̄ biria ménda musañgéma wammu. Wan̄u Anutuac welen̄ qeqe ichéra ésécnec kecmu. ¹⁷Ic moczoñ̄nec ee héihéi hiabianec wan̄ énécmimu. Wan̄u ninzén̄ ninzén̄ dacmuna hécgina siñ̄niñ̄ wan̄ énécmima Anutuac bac yandi yandi wamma baecac ic kewuya ee héihéi wan̄ énécmimu.

Qenzen̄ manzen̄ kekecac séséc.

¹⁸Welen̄ qeqe ic ini zénén̄ hirihiri wamma miñ̄ hécgina ionac ewa bacginaiguc memaamuma kecmu. Wan̄u ic kunen̄ hécgina hiabia bénzén̄a ionac sac qahac, nén̄ goi biric wan̄ énécmian̄zu ionac muru momacnec imuhuc wan̄ énécmimu. ¹⁹Réwéri hénia qahac mihicñi énécmigic Anutu niñqelima bisima kecmu imi haka hiabia soroc. ²⁰Képésicgina niñac unuhéi wan̄gic bisiqatén̄ wammuiñ̄guc némac niñac zéhiaru énécmimac? Haka hiabia wamma qenzen̄ manzen̄ mihicñima efima bisimu imi Anutuac kiwaiguc haka héñsoroc sorocgia wammac. ²¹Hénia imuac mia ini héihéré énécmimiyec. Kristo imi acguc onac wamma qenzen̄ manzen̄ mihicñi migic bisima séséc wan̄ énécmiyec imi ini hémma eñ̄eya hénanec méndacma tima hamu zéma imuhuc wan̄ énécmiyec. ²²Inén̄ késpedesic mén̄ ménda wan̄ec. Wan̄u kuaya igucnec ikoc ac mén̄ ménda zéyec. ²³Zébiri migic kitiwa ménda zébiri énécmiyec. Qenzen̄ manzen̄ mihicñi migic ménda tericgé énécmiyec, nén̄ baec ic solañanec gési nénécmian̄zac iwac mériaiguc eñ̄eya haiamuyec. ²⁴Wan̄u iciguc qegic namma eñ̄eya séwiiguc neñ̄añ̄ késpedesicnina bisidarec. Imi mia neñ̄añ̄ késpedesicac muru humuma haka solañawac muru qelia kecbiñ̄ niñac imuhuc wan̄ nénécmiyec. Inén̄ wiziyaguc wan̄u ini hiarugic. ²⁵Becnec imi rama ésécnec rouc wamma ken̄gic, nén̄ deguc imi uñ̄aginawac rama galeñ̄ zéma héñgaleñ̄ miñ̄ina keczac iwac muru liliñgéma hama keczu.

Eu iniñ̄ onac paken̄ ac.

3 ¹Inihécgina ini imuhucyanec euhécgina ionac acgina niñtoho wan̄ énécmimu, imuhuc wan̄gicguc tosara Anutuac ackuazéc ménda niñtohoan̄zu imi eneñ̄ acguc iniñ̄ hécgina ionac acgina niñac qahac, nén̄ wawan̄ memegina niñac wamma liliñgégic añgén̄ tiénécmimacac séc wammac. ²Hénia imi yomuhuc; Bac yandi yandi wamma hakagina qala qalanec wamma kegcic inicdaczu. ³Oruc miñ̄ics me soron̄ goli me zari maleku tanera hénia hénianén̄ séwiginaiguc ménda mezeric qezeric wammu, ⁴nén̄ ewa qeriginaiguc qeri ic san̄gima hezac imuac

mia wamma memaamuma luae ménda houmacac séc imuhucyanéŋ mia mezeric amuma kecmu. Imuhucya imi Anutuac kiwaiguc eeyaguc yanda waŋaŋzac. ⁵Becnec embac téréya tosara niŋkumugina Anutuac muru haima kecgic ieneŋ acguc imuhucyanec wamma euhécgina ionac acgina niŋtoho wamma haka iminéŋ mezeric amuma kecaŋgic. ⁶Saranéŋ Abarahamac miŋna zémima niŋtoho wammiyec ésécnec ini acguc haka hiabia wamma haka tosara zénéŋ hirihiriyawac séc mihicŋima kileŋ bac yandi yandi ménda wamma kecmu iwac^d bérachéra wandaczu.

⁷Embac euhécgina ini imuhucyanec niŋtegic qinŋtegicgina méndacma iniŋ hécgina iniguc kecmu. Embac imi zéic bébélacgia ésécnec, waŋu kekec hémbénaŋa ewa hiawac énécmimia imi momacnec mératéc memu imi niŋtegicma eegina héiéncmimu. Imuhuc waŋgic zéwelecwelec ginanéŋ néhé néhélia qahac wammac.

⁸Acna metecgéma zéwa niŋgic; Ini moczoŋ yanda ewa momaciguc kecmu ménjac ménj wésé niniŋguc dacmuna ésécnec goi héihéi waŋamumu. Waŋu ewa biric waŋamuma memaamuma kecmu. ⁹Haka biriawac haka birianec, zébiri qébiriawac zébiri qébirianec ménda meleŋ énécmima kileŋ mozoc ac hiabia waŋ énécmimu. Imuhuc wamma mériaŋ imi mératéc memu niŋac héihéré énécmiyec. ¹⁰Imuac mia kekecac goiya héima nalé hiabia mihicŋimaŋ zé wanzaciguc ezelaŋa neuŋ héimima ac biria ménda wamma kua tasiaya iminéŋ ac ikora ménda zémac. ¹¹Waŋu biria igucnec lilingéma haka hiabia wammac, waŋu luae kekec niŋac hochoc ai mema seligima nesima méndacmac. ¹²Imuac hénia imi yomuhuc, miŋ kewuninawac kiwa imi ic solaŋawac muru hiyu keŋaŋzac. Waŋu gezawa imi ionac zéwelec welecginawac haiyu heaŋzac, néŋ haka biria waŋaŋzu ionac imi kic ségéryanéŋ tawi énécmianzac zéma zéyec.

¹³Waŋu seliseli wamma haka hiabia wamma kecmuiguc mérénéŋ zéra waiya énécmimac? ¹⁴Waŋu haka solaŋawac waŋgic unuhéi wammu imi ségiségi ginaguc. Némac iwawai niŋac ic tosara bac yandi yandi waŋaŋzu imuac mia ini bac yandi yandi ménda wamma bac zaŋzac ménda wammu, néŋ ¹⁵ewa qeriginaiguc Kristo i miŋ kewuginawac buŋa métérégic kecmac. Waŋu ewa qeriginaiguc niŋkumu hezac imuac hénia qesi nimbiŋ zé waŋgic bénzéhŋnec meleŋ énécmimaŋ zé nalé séc zéréŋqéréŋ wamma kecmu, ¹⁶néŋ gum bénzénzéh zéma ee héihéiiguc wammu. Waŋu ewa kétinŋkétinŋ ginanéŋ qala qalagianec hemac. Imuhuc waŋgic onac wawaŋ meme hiabiawac zébiri qébiri waŋ énécmimu imi eneŋ mema titi hakaginawac gamugina mihicŋimu. ¹⁷Haka hiabia wamma qenzeŋ manzeŋ mihicŋimu imi Anutuac ewa siŋ wanzaciguc haka biria wamma qenzeŋ manzeŋ mihicŋimu imi ogiczac. ¹⁸Kristo imi hatac momacguc kérépic ic momac yanda onac niŋ wamma humuyec. Ic solaŋanéŋ neŋaŋ

^d 3:6 Sarawac.

képésic niñac mulu meyec. Imi mia nonagicma Anutuac muru kemma nonopocmanj zé imuhuc wañec. Inéj mia séwiiguc qegic humuyec, néj uñaguc imi meqelimiyu kekecyaguc wañec. ¹⁹Inéj uñaguc kemma uñá tosara humucac hésa qatéciguc kecgic ionac ackuažéc zéau énécmiyec. ²⁰Imi enej mia becneq Noanéj zéic miyacgéma keru nalé imuaru Anutunéj nalé horua qeri bénzénjiguc mambéc énécmiyu acqeqe wañgic ienej mia. Wañu zéic imuac qeriaiguc emma doku igucnec aňgég tiénécmimia ionac zañgégina imi 8 sac wañec. ²¹Doku imi Yesu Kristoac humuc igucnec yayac niñac deguc imi melemma aňgég titiac asé kiwiya wanžac. Imi mia doku naec haka imi mia. Wañu imi mia séwíac kápésic zuac énécmiawac iwawai qahac, néj ewa kétéñkétinj solañanéj Anutu mihicñimanj zé hénima keñkeña imuac asé kiwiya wanžac. ²²Yesu imi kurumeñu emma Anutuac méra héiyaiguc taczac. Taru kua meme uñá zéma ai memeac qac buñaginaguc zéma kuc buñaginaguc ienej iwac méra bacyaiguc kecdaczu.

Anutuac goi héihéi imuac welej qeque ic hiabia.

4 ¹Kristo imi séwiyaiguc qenzej manzej mihicñiyec imuac niñ, ini acguc Yesu niñec séc nimma niniñ iminéj yaréac malekugina ésécnec héiamumu. Séwiiguc qenzej manzej niñec iminéj kápésic igucnec eliňgé amuanžac. ²Eliňgéamuma inéj baecac kekec hemizac séc muñguc siñ biria ménda méndacma Anutuac ewa siñac sac méndacma kecmac. ³Ini kaiseroac siñ zéma hémbaoc zéma niñgoñ zéma nezéléléñ zéma newa qewelonj zéma baníarawac ireha welej qema ic enia wañanzu ésécnec haka imuhucya becarunec wamma hama nalé hiadac audaczu. ⁴Wañu enej imi i iniguc iwawai auquma kekec imuac qaonjaiguc ménda hololoma keñgic, ienej inicma niñgic haka méréra wañu zébirí qébirinéj qacginaguc héigic enzac. ⁵Wañu ienej kecma humuc zéma kic qeli kekec héniaquina niñgési énécmimac niñac zéréñ qéréñ wamma keczac iwacmuru héniaquina zéaumuac hezac. ⁶Hénia imuac niñac mia humuc ionac muru buña suruc hiabia imi momacnec zéau énécmimia wañec, hénia imi ic embac kic qeli kekera ésécnec niñgési énécmimia wammac, néj uñaguc imi Anutuac hénia séc kecmu niñac imuhuc wañ énécmiyec.

⁷Iwawai momac yanda imuac nalé teteqia ducñizac. Imuac bec niniñgina asac asarianec kecma séwíac siñ waima zéwelec wamma kecmu. ⁸Goi héihéinéj kápésic sasala hoturu énécmianžac imuac niñ hena yomuac niñgic tosara onogicma eñeña wañu qerigananéj goi héihéi wañamuma kecmu. ⁹Ini ñindic ñunducya qahac welej qeamuma kecmu. ¹⁰Anutunéj ic embac eñac eñac ewa hiawac ai buña hénia hénia énécmiyec séc ama galeña hiabia wamma Anutuac ewa hiawac buña hénia héniaiguc welej qeénécmimu. ¹¹Ic méñnéj ac méñ zémanj zé Anutuac ackuažéc ésécnec zémac. Wañu méñnéj méñ welej

qeénécmimanj zé Anutunéj kuc miyu wanʒac ésécnec wammac. Imuhuc waŋu ai hénia héniaiguc Yesu Kristoac qaraiguc Anutunéj edamuyaguc wammac. Iwac muru mia edamuya zéma kuc yandanéj nalé tetcgia qahac hema kecmac. Hélaecne!

Qenzen manzej Kristoac tohotoho ichéra neŋaŋ buŋa.

¹² Ala sorochéna, ini batucgé énécmimanj zé zéra waiya geriwagucnéj hicŋi énécmiyu haka méréra hicŋi énécmizac ésécnec ménda aurimu. ¹³ Waŋu ini kej kecma iwac eebipiya wininimac nalé imuaru ewa hia nimma zézé ségiségi wammu niŋac Kristoac qenzen manzeŋaiguc toroqema ségiségi wammu. ¹⁴ Ini Kristoac qara niŋac wamma zébiri qébiri ac waŋ énécmimu iguc imi zézé ségiségi ginaguc wanʒac. Imi mia Uŋa eebipyaguc, Anutuac Uŋa iminéj qacginaiguc keczac imuac niŋ imuhuc zézua. ¹⁵ Sucginaiguc méjnéj méj biŋ suŋa me kowu nene me haka biria me kua suruŋ ic ésécnec ménda waŋgic qenzen manzej ménda mihicŋi énécmimia wambac niŋac. ¹⁶ Waŋu Kristoac ic kecma qenzen manzej mihicŋi énécmimia waŋu gamugina ménda nimmu, néj néwécgeŋa Yesuac qara niŋac Anutu mepésimu. ¹⁷ Anutuac ama neŋaŋguc gésigési ai hénima memac imuac naléya ducŋizac. Neŋaŋ muru walac hénima gési nénécmimaciguc ic embac tosara buŋa suruc hiabia imi ménda tohoanʒu ionac tetcgia imi yei dimuhuc wammac? ¹⁸ Waŋu ic solanénéj aŋgéné titi mihicŋimanj zé ai yanda wammaciguc, Anutu eeya ménda héimianʒu imi eneŋ zéma képésic ic ieneŋ nanaŋ dimuaru nammu? ¹⁹ Imuac Anutuac ewa siŋ tohoma zéra béra mihicŋimu ieneŋ imi haka hiabia wamma qeri uŋagina imi mihicŋi mihicŋi miŋina méjzé méjzéya qahac iwac muru qutuŋgé amumu.

Anutuac rama dimuhuc galeŋgé énécmiwiŋ?

5 ¹ Sucginaiguc qeriawac galeŋ ini ni momacnec qeriawac galeŋ wawaŋa zéma Kristoac qenzen manzej imuac héipuc ic zéma edamuya wininiyu toroqemanj niŋ zénénéŋa neŋ zéhinoc waŋ énécmizua. ² Sucginaiguc Anutuac rama tuŋ keczu imi galeŋgé énécmimu. Zénaŋgéiguc qahac, néj Anutuac ewa siŋ méndacma eŋaŋ siŋginanéj waŋ énécmiyu inicgaleŋ waŋ énécmimu. Waŋu soukiwa niŋac hémbaoc wamma qahac, néj weleŋ qeénécmiwiŋ zé seliseli wamma memu. ³ Waŋu niŋkumu énécmima ic embac méraginaiguc onoporu keczu i kewu ménda waŋ énécmimu, néj rama tuŋ ionac muru haka hiabia énézégic héŋgic kecmu. ⁴ Imuhuc wamma kecgic rama galeŋ ionac kiwaginanéj hamac nalé imuaru ic kewuac opoc edamuyaguc ménda méiméiya énécmiyu memu.

⁵ Ic qapé wiliŋa, ini imuhuyanec kua memegina niŋtoho waŋ énécmima moczoŋ yanda eŋaocnec memaamuma haka iminéj malekugina ésécnec

héima kecmu. Anutu imi séwi eneŋ ic hažéc waŋ énécmianžac, néŋ memaamuma kekec ionac imi ewa hiawac waŋ énécmianžac imuac mia imuhuc zézua.

⁶Imuac Anutuac méra selia imuac bacyaiguc memaamuma kecgic naléya ducŋiyu meyac énécmimac. ⁷Inéŋ mia qerianéŋ dongé énécmianžac imuac niŋ niniŋgina yéwéria imi moczoŋ yanda iwac muru haidacmu.

⁸Ini galenŋé amuma técgina nimma kecmu, hažéc yandagina Biria miŋinanéŋ laion ésécnec qécgé énécmimanŋ zé qacma silacma lelecgéma hohoc ai mezac. ⁹Imuac i hažéc wammima ninzéŋ ninzéŋgina meselima nammu. Dacmuna hécgina baera baera keczu imi eneŋ acguc qenzeŋ manzeŋ imuhuyanec hicŋi énécmiyu keczu imi ini ninzu hénia imuac mia imuhuc zézua. ¹⁰Waŋu ewa hiawac ai buŋa hénia hénia imuac miŋina Anutu, eŋeya edamuya hehe selia imuac qeriaiguc keremmu niŋac Kristoac qeriaiguc héihéré énécmiyec inéŋ mia nalé hotoŋadac qenzeŋ manzeŋ mihicŋima keczu ini eŋeyaoc meqeli énécmima kuc énécmima meseli énécmimac. ¹¹Iwac muru kuc seli towia towia hema kecmac. Hélacnec!

Yaižézé ac tetecgia zéma mozoc ac.

¹²Dacmuna solaŋa Siliwano ic keŋhéi hahéiya qahac zéma niŋmianžua inéŋ méra néŋu ac hotoŋa dac yomi oma zénaŋgé énécmima ackuažéc yomi imi Anutuac ewa hia héla wanžac imi héipuc wamma zézua imuac niŋ ini ewa hia imuaru selianec nammu. ¹³Babilon baec yandaiguc héniorij keczu ieneŋ yaižézégina zézu. Waŋu nuac ninzéŋ ninzéŋ naŋna Mareko acguc imuhuc énézézac. ¹⁴Ini goi héihéiac kiricne qiricne waŋamuma ewa hia acgina zégic keŋha wammac. Kristoac qeriaiguc keczu ic embac momac yanda onac muru luaenéŋ he énécmimac.